

Meje Po Carte Pablo Tatina, Efeso Tomarapiwi Tatinatsi

Meje yabara poxonaē Pablo tamropata pitaba xua tatina pomonaetha pomonaē Efeso tomarapiwi

¹ Xan, Pablon, pacata tinatsi. Nacom necana exana xua Cristo Jesús pia peitorobi jiwi jiwana tatsin xua bapon peichichipaexae. Pacata tinatsi pomonaē pam pomonaē Nacom piamonaē pamxaem, pomonaē pajinompame Efeso tomaratha. Paxam beta xanepanaya pajume cowñteibame Cristo Jesús xua Nacom caemonaē painya nepaca exanaexae Cristo Jesustha. ² Barabũ Nacom, pon Waxa irũ Jesucristo, pon jiwi Pecanamataxeinaein, baponbe paca yawenaena pia paca necaantobexae. Matautano barabũ baponbe rebũruya jũntema jinompa paca cana exanaena.

Meje yabara xua poxonaē Nacom wanaca yawenaewa, wanaca antobexae

³ Barabũ waxainchi tsipaebatsi Nacomtha, Jesucristo Wanacanamataxeinaein, pia Nacom tatsi xuano xua Paxa tatsi. Jeichichi: “Nacom maisa pajũntũ coyene weiweinan jinya pata taneyawenaewaxaem”, jeichichi. Daxita waxainchi Nacom caemonaē wanaca cana exanaexae Cristotha, daxota Nacom naca yawena. Nacom bara tsitecaeya naca cata daxita carepaya pejũntũ coyenein po pejũntũ coyenein xeina pia nacuatheicha. Vapo jũntũ coyenein naca catsiba xua wanantawenon-aewatsi xua wanaca ajũntũcoyenesũ exanaenexa beta xua Nacom watsita jinompaenexatsi. ⁴ Caena bayatha rewũnaeya xua poxonaē nacua forotsina, Nacom naca wñn duba xua piamonaē tatsi wanaca exanaenexa tsane

poxoru Cristo caemonae wanaca exanaewa tsane bapontha. Matautano Nacom naca wun duba xua bichocono watsita juntu coyene xanepanaenexa tsane bapon xua matauta jopa watsita natsicuentisiwatsi tsane xua abe waexanaexae bapontha. ⁵ Nacom pia wanaca antobewaxae caena bayatha naca yabara nanta cui yapu weta xua pia pexui tatsi wanaca cana exanaewa tsane. Baxua Nacom naca cana exana xua pocotsiwa Jesucristo pia wanacata exanaexae. Nacom ichichipa exana baxua petsita xanepanaexaetsi. ⁶ Daxota barabun Nacom wunae jainteibatsi pon bichocono pexeinya coyenewa exana poxonae naca yawena wanaca antobexae. Matautano Nacom bichocono wanaca antobexae amanaya daxitatsi caemonae naca cayawa exana Pexantotha, po Pexanto bichocono antobe. ⁷ Nacom pia pin wanaca antobexae naca capanenebiya exana abe waexanae cuiru coyenein weya. Nacom tsitatsi xua jopa watsita natsicuentisiwatsi xua abe waexanaexae, yawa naca cayabara cui junteina barapo cui. Baxua exana poxoru Nacom Pexanto tatsi jana pichapabarena poxonae bexotsi, poxonae abe waexanae cuiru coyene naca yabara tsitupa naetotha. ⁸ Nacom naca tsita itapeinya xeina xua bichocono jopa juniya naca antobeyo. Matautano naca cana exana xua wayabara yaputaewatsi bapon. ⁹ Nacom bayatha exana pocotsiwa xua caena bayatha juntucuru exana. Nacom naca yaputane exana xua wayaputaewa pocotsiwa bapon moya yawun xeina xua jiji jopa yabara yaputaeyo po coyene xua bapon ichichipa peexanaewa. Baxua xua pocotsiwa moya yawun xeina caena bayatha Nacom juntucuru nanta xeina xua Pexanto peitorobiwa tsane po cae pin nacuathe tsique pon pewun Jesucristo. ¹⁰ Caena bayatha Nacom cayabara nanta xeina pocotsiwa xua exanaena. Barapo coyene exanaena po coyene xua daxita caetutsina pocotsiwan Cristo pecanamataxeinaewa tsane picoya xua xuan

peitabocotha piawan xuano xua xuan po irathe piawan. Baxuan exanaena poxonae jopaena barapo matacabi xua poxonae po mataqueitha Nacom ichichipa beexanaena baraxua.

¹¹ Daxita po coyenein Nacom exana, bapon exana po coyeneya xua ichichipa. Daxota caena bayatha Nacom pana wun duba pata tanaexanaewa tsane piamonae tatsi poxoru Cristo caemonae wanaca exanaewa tsane bapontha. Daxita pocotsiwan xua Nacom pana cana exana caena bayatha bapon tsiwanaya juntucuru nanta xeina xua exanaena baxuan tsipei Nacom exana daxita xua pocotsiwan tsita wunaetsi. ¹² Paxan, judiomonae pan, pomonae pan xua copiya pawanae ewatan xua Cristo pepatopaewa tsane. Barabu daxota Nacom bichocono wanae pajainchin pexeinya peitupanaewa peexanaeinxae. ¹³ Pocotsiwa xua pexainyei jume diwesi, barapo diwesi apara Nacom pia pecapanenebiyae diwesi tatsi. Poxonae barapo pexainyei jume diwesi pajume taneme Nacom paca cana exana piamonae tatsi painya nejume cowuntsixaem Cristo painya nepaca capanenebiyaenexa. Bapoxonae Nacom tsita itapeinya xeina xua paxam piamonae tatsi pam poxonae paca cata pia Pejumope tunaxu tatsi. Bayatha Nacom yabara paca tsiwunaе muxu duta xua pinae paca catsina barapo pia Pejumope tunaxu tatsi. ¹⁴ Nacom pia Pejumope tunaxu tatsi naca cata wanaca baru poponaenexa. Baxua naca tsita itapeinya xeina xua daxota xaniwaicha yaputainchi xua bexa ichawan xua Nacom naca catsina pocotsiwan yabara naca tsiwunaе muxu duta xua naca catsina. Nacom baxua exanaena poxonae daxita cana exanaena piamonae tatsi, pomonae daxita bewa jume cowuntsina Jesucristo. Bapoxonae jiwi wanae jainchina Nacom bichocono pexeinya peitupanaewa peexanaeinxae.

Meje yabara poxonae Pablo Nacomtha tawuca pomonae

pejume cowuntsi jiwi xua Nacom yaputane pecana ex-
anaewa tsane barapomonaе pomonaе pejume cowuntsiwi

¹⁵ Paca yabara jume tainchi xua paxam pinae beta pajume cowuntame Jesús, pon jiwi Pecanamataxeinaein. Matautano paca yabara jume tainchi xua pinae beta paantobem pomonaе iru pejume cowuntsiwi. ¹⁶ Daxota ataya pacata wuqueibatsi Nacom, janje: “Nacom maisa juntu coyene weiweinan xua Efeso tomarapiwi neyawe-naewa, pomonaе necajume cowuntsiwi”, jan. ¹⁷ Wucan Nacom, Jesucristo Wanacanamataxeinaein, pia Nacom tatsi, pon Waxa pon bichocono pexeinya peitupanaewa peexanaein. Wucan xua painya nepaca cacatsinexa pia Pejumope tunaxu tatsi painya neyaputaewa tsane pocotsiwan xua xainyei xua Nacom yabara. Matautano wucan xua painya beta neyaputaeronaenexa Nacom. ¹⁸ Nacom wucan xua painya neyaputaenexa painya juntu coyeneintha. Baroxonaе paca itacupaena xua payaputaename pocotsiwa Nacom yabara paca tsiwun duba xua painya nexeinaenexa pocotsiwa yabara paca tsiwunaе muxu duba. ¡Maisa bichocono jopa juniyiyo xua pocotsiwa Nacom catsina pomonaetha pomonaе pia pejume cowuntsi jiwithaxaetsi pocotsiwa bapon juntana jeba barapomonaе! ¹⁹ Matautano wucan xua painya neyabara yaputaewa tsane Nacom pia peayapusu itorobi coyenewa, po peayapusu coyenewa bichocono wunaе xua jopa wetsiyo. Barapo peayapusuya itorobi coyeneyatha Nacom naca yawena wajume cowuntsiwixae. ²⁰ Barapo peayapusu itorobi coyenewa jupa po peayapusu itorobi coyenewatha Cristo asu exainchi petupae cuiru coyene weya xua Nacom exana. Barapo pia peayapusu itorobi coyenewatha Nacom Pexanto cuareta pia pecoxa weya xua peitabocotheicha xua Pexanto ainya cui cana exana. ²¹ Nacom Pexanto cana exana xua Jesucristo

toxeincha canamataxeina pomonaetha daxita pomonae ichamonaе canamataxeinatsi itabocotha, matautano xua barapo cae pin nacuathe. Matautano bapon canamataxeina daxita pomonaetha pomonae nacuan peewatsiwi, barichino pomonaetha pomonae piamonae pemat-acaponaewichi. Cristo canamataxeina pia peayapusu itorobi coyenewatha, po peayapusu itorobi coyenewatha bichocono ayapusu beyacaincha ichamonaе pia peitorobi coyenewan tatsi. Po wun xua Jesucristo xeina xua “Cristo”, jeichichi barapo wun yabara matawun dutatsi pia peexanaewa. Barapo wun bichocono peainya cui wun, beyacaincha ichamonaе pewunxi, po wunxi xua yabara matawun dubatsi xua peexanaewa pomonae anoxuae jinompa iru pomonae bexa jinompaenano. ²² Nacom exana xua daxita coyenewantha Cristo itoroba pia peayapusu itorobi coyenewatha. Matautano Nacom exana xua Cristo daxita pepa pecanamataxeinaein piamonae daxita pomonae pejume cowuntsiwixaetsi. ²³ Pomonae pejume cowuntsiwi Cristo barapomonae be bara Cristo pia pepon tatsi tsipei Cristo cana exana xua barapomonae caemonae naexana bapontha. Dapocotsiwa ajibi pocotsiwa Cristo petaseicaewatsi tsipei nantauta pomonae pejume cowuntsiwichi. Barichi dapocotsiwa ajibi pocotsiwa petaseicaewatsi pomonae Cristo pejume cowuntsiwichi tsipei Cristo ataya tsitecaeya baru popona barapomonae daxita nacuantha.

2

Meje yabara poxonae xua Nacom naca capanenebiya, wanaca antobexae

¹ Copiya bayatha poxonae jopa pajume cowuntsim Nacom bichocono abe paexana dubenanaebiyame. Matauta pajumefebame Nacom poxoru paxam be pomonae pewerapaewi pam jopa painya yawa jinompaexae Nacom pia

Pejumope t̄nax̄u tatsi. ² Bayatha jopa xapain painompaem. Painompame icha barapo cae pin nacuathepiwi ichi xua bichocono abe exana dubenanaebiya. Paexaname bayatha xua caurimonae pia pentacaponaein tatsi painya nepaca cui itorobixae. Bapon canamataxeina caurimonae po caurimonae jinompa itabocotha barapo nacue matat-suntha xua beyano Nacom pia nacua beicha tatsino. Barapo caurimonae pia pentacaponaein tatsi, pomonae Nacom jumefebatsi, barapomonae j̄unt̄u coyene itorobatsi xua abe peexanaewa tsane. ³ Caena bayatha waxainchi barichichi exana dubenanaebiyatsi barapocotsi coyenein xua abe. Exainchi pocotsiwa xua ichichipatsi xua waj̄unt̄u coyenewa naca cui itoroba xuano xua wapepon naca cui itoroba. Tsipei waxainchi jiwichi xua yacuiya naexanatsi xua abe waexanaewa, daxota bayatha Nacom anaya nanta xeina xua naca atene exana icha ichamonae ichichi xua atene exanatsi abe peexanaexae. ⁴ Daichitha Nacom jopa juniya naca matateicaeyo xua wanaca yawenaewa bichocono wanaca antobexae. ⁵ Bequein poxonae cataunxuae bichocono abe exana dubenanaebiyatsi waxainchi, xua daxota be pet̄upaewi jinompatsi abe waexanaexae, bapoxonae Nacom naca yawena. Baraxua be bapon naca bar̄u aj̄unt̄ucoyenes̄u xua Cristo wanaca cana exanaexae xua caemonae naexainchi bapontha. Nacom naca capanenebiya saya apara poxoru wanaca antobexae. ⁶ Wajume cow̄antsixae Jesucristo, waxainchi Nacom tsitatsi xua apara be bara bayatha bapon naca as̄u exana pet̄upae coyene weya icha Cristo Jesús ichichi xua as̄u exanatsi pet̄upae coyene weya. Matautano waxainchi tsitatsi xua apara be bara bayatha naca exana xua waenaewa ichaxota Cristo Jesús eca pia nacuatheicha. ⁷ Nacom juntucuru baxua exana petsita itapeinya xeinaenexa xua xeina pia pin peantobe coyenewa xua waxainchi nexa

xua daxita matababintha tsoponae tsane. Nacom naca tsita itapeinya xeina xua bichocono naca antobe poxonae naca exana xua caemonae naexanaeinchi Cristo Jesustha. ⁸ Tsipei Nacom paca antobe daxota paca capanenebiya poxonae pajume cowantame bapon. Apra jopa baxua painya coutha paexanaem, apra Nacom jame baxua amanaya paca cana exana. ⁹ Nacom apra jopa baxua paca cana exanaeyo xua painya nenacuichixae. Icha paca itacura xua poxonae payabara nacuichipame xua painya nepaca capanenebiyaenexa bapoxonae be painya neat-sacae jiwi pam tsipae xua poxonae ichantha pajam: “Beta paexanan daxota Nacom pana capanenebiya”, pajam. ¹⁰ Nacom naca exana xua pena juntu coyenewatha jinompatsi Cristo Jesús nexa xua beta xanepanaya waexaneib-inexano bapon nexa poxonae jinompatsi. Caena bayatha baxuan Nacom yabara nanta xeina xua naca juntu coyene cana cui weta exana xua po coyeneya waxainchi beta wataxanaewa tsane ichamonae.

Meje yabara po juntu coyenetha Nacom naca cana exana xua juntema wajinompaeawa caemonae wanaexanaexae Cristotha

¹¹ Poxonae panaexaname jopa panaexanaem judiomonae. Paxam pomonae jopa judiomonae painya nenaexanae jiwixaem pana nacui yabara juntanainare xua eta po jiwi pamda caena bayatha poxonae jopa pajume cowantsim. Judiomonae paca yabara jei: “Barapomonae jopa pewi thabiwichi xua ichaxota pia penareixacaenaewa xua petsita itapeinya xeinaewa tsane xua barapomonae Nacom piamonae”, paca yabara jei. Judiomonae pia coutha nayabara jei: “Waxainchi pomonaetsi, pomonae naca wi thaba xua ichaxota wanareixacaenaewa watsita itapeinya xeinaewa tsane xua Nacom piamonaetsi”, nayabara jei. Barapo pewi

thabi coyene xua ichaxota pebiwi penareixacaenaewa
 saya jiwi pia coya nacanautsiya exana. ¹² Bayatha
 barapo dapaetha poxonaē cataunxuae jopa pajume
 cowuntsim jopa Cristo payabara yaputaem. Matautano
 paxam be painya nenanapaincha jinompaewi pam xua
 icha nacua werena painya neponaewi xua jopa Israel
 nacuapiwi jiwana pam. Po petsiwūnae yabara muxu
 dutsi coyenewan xua Nacom juntucuru nanta xeina xua
 caemonae naexana piamonaetha, xua judiomonaetha,
 barapo coyenein apara jopa paxam nexa. Matautano
 pajinompame barapo cae pin nacuathe ichitha jopa
 pawūnae ewatsim xua pocotsiwa xua wūnae xua Nacom
 exanaena paxam nexa cataunxuae jopa painya nejume
 cowuntsixae. Tsipei jopa painya neyabara yaputae
 jiwi pam Nacom. ¹³ Ichitha anoxuae Cristo Jesús paca
 exana xua caemonae pana naexaname bapontha. Paxam
 pomonae bayatha jopa Nacom painya nejume cowuntsi
 jiwi pam xua jopa painya yabara yaputaexaem bapon.
 Ichitha anoxuae pajume cowuntame painya neyabara
 yaputaexae Cristo Jesús, pon naetotha painya abewan
 paca yabara tsitūpa, poxonae jana pichapabarena
 poxonae bexotsi. ¹⁴ Cristo meisa bapon naca cata po
 jūntū coyenewatha xua ichamonaetha xuya jūntema
 jinompa exanatsi. Cristo exana xua caemonae naexana
 pomonae xua judiomonae irū pomonae jopa judiomonae
 naexanaeyo. Cristo cui weraweraca exana po jūntū
 coyenein xua judiomonae irū pomonae jopa judiomonae
 naexanaeyo penaitafaetabi jiwi naexana xua saya be
 caemonae penaexanaewa tsane. Baxua exana poxonae
 naetotha tsitūpa jiwi. ¹⁵ Poxonae Cristo naetotha tūpa
 bapoxonae bapon cana exana xua Moisés pia peitorobi
 coyenewa tatsi jopa equeicha xeinaeyo peayapusū itorobi
 coyenewa xua jiwi peitorobiwatsi pocotsi coyenein jiwi
 bewa exanae. Bapon Cristo cana exana xua barapomonae

Cristo caemonae pebaru naexanaewa tsainchi pomonae xua copiya pia peaitafaetabi jiwixaetsi. Poxonae Cristo baxuan cana exana bapoxonae barapo bicheitomonaebe juntea nabaru jinompa cana exana. ¹⁶ Petupaexae naetha Cristo exana xua equeicha barapomonaebe jopa nabiyo. Matautano bapoxonae Cristo naita coxone exana xua barapomonaebe juntea pejinompaewa Nacomtha xua icha be jopa ichiyo xua poxonae copiya jinompa xua Nacom pia peaitafaetabi jiwichi. Cristo exana xua barapomonaebe Nacom caemonae exainchi.

¹⁷ Cristo patopa po cae pin nacuathe tsique. Bapon daxita paxam paca tsipaeba Nacom pia pexeinya jume diwesi tatsi. Barapo juntu coyenewatha jiwi equeicha caewa Nacom ita coxonatsi xua Nacom juntea pet-sita jinompaewa tsainchi. Daxita paxamtha paca tsipaeba barapo diwesi pomonaetha iru pam pomonae copiya jopa Nacom payabara yaputaem, xua pomonae jopa judiomonae pam. Iru tsipaebatsi pomonae yatsicaya judiomonae pomonae Nacom yaputainchi pejume cowuntsixae. ¹⁸ Cristo jiwi petsitupaexaetsi abe pia peexanae coyenewan tatsi daxota Nacom pia Pejumope tannaxu tatsi yawena xua pomonae judiomonae iru pomonae jopa judiomonae naexanaeyo be caemonae naexanabe xua cae axa xeina, bapon Nacom. ¹⁹ Daxota anoxuae jopa be painya nenanapaincha jinompaewi pam xua be icha nacua werena painya neponaewi. Paxam iru ichamonae pomonae Nacom pejume cowuntsiwiru be pomonae cae nacuapiwi pam. Paxam Nacom piamonae jiwana tatsi pam. ²⁰ Poxonae ba jiwi Nacom pin pia bo acaba copiya matha beta noba po iboton xua iratha tabu caumena. Nexata beta nota po iboto xua ainya cui xua po iboto bo daunweya babatanota po iboto xua epatauta botabiya. Bapoxonae nanta cajejebabapona icha iboton, xua pepa

bo exana. Icha pebiwi ichi poxonae bo acaba, Nacom piamonae bara cana jũtsiya cana ichi. Pomonae Cristo pia peitorobi jiwi tatsi irũ pomonae Nacom pia peitorobi jume pepaebiwi barapomonae be bara pocotsi iboton xua tabũ caumena tsipei barapomonae copiya paca cuiduba Nacom Pejume Diwesi tatsi. Irũ Jesucristo be barapocotsi ainya cui iboto po iboto daunweya babatanota po iboto epataũta botabiya, tsipei Cristo paca yawena xua painya nejume cowũntsiwa bapon. Irũ paxam be po iboton xua jiwi nanta cajejebabapona, pomonae penanta carubenaе jiwi pam, tsipei cotacaya painya nejume cowũntsixae. ²¹ Cristo piamonae bara cana jũtsiya ichiya cana exana, icha po iboto ichi xua ainya cui xua bo daunweya babatanota exana. Cristo pon jiwi Pecanamataxeinaein, exana xua piamonae tatsi pinmonae tsoponae xua xanepanaya caemonae nabarũ jijinapona, pomonae Nacom tsita jũntũ coyene xanepanatsi. ²² Poxonaе jiwi weta barapo pin bo, bapoxonaе cana exana xua barapo bo apara Nacom pia bo tatsi ichaxota Nacom popona. Nacom paca cana exana xua paxam irũ daxita ichamonae pomonae irũ pejume cowũntsiwi Nacom, caemonae pana naexaname xua Nacom pia Pejumope tũnaxũ tatsi pia paca barũ jinompaenexa icha Nacom ichi xua pia pin botha popona.

3

Meje yabara poxonaе Nacom Pablo itorobatsi xua pecueicueijeiwa Nacom Pejume Diwesi pomonaetha pomonae jopa judiomonaе naexanaeyo

¹ Xan, Pablon, jiwi pecubi botha ecan yabara tanatsipei cueicueijeixae Cristo Jesús poxonaе bapon yabara tapaca cuidubiwatsi pomonae pam jopa judiomonaе panaexanaem. ² ¡Bara pajume taneme xua Nacom necata

barapo tatanacuichiwa xua inta bichocono wūnae! ¡Nacom neitoroba tana neantobexae xua tapaca cuidubinexatsi tapaca yawenaenexatsi! ³ Nacom itata xua po coyene xua moya yawūn xeina po coyene xua Nacom capanenebiyaena jiwi xua jiwi copiya jopa yabara yaputaeyo. Nacom neyaputane exana barapo coyene xua moya peyabara cui yawūn xeinaewa po coyene bexa exanaena xua jiwi jopa yabara yaputaeyo. Baxua bayatha yabara pacata tinatsi xua imoxoyo diwesi tsecae. ⁴ Poxonae barapo carte payorobiname payaputane name xua bara xan yaputan po coyene xua Cristo moya yabara cui yawūn xeinatsi po coyene xua bexa Nacom exanaena xua jiwi jopa yabara yaputaeyo. ⁵ Bayatha jiwi jopa yaputaeyo po coyene xua Nacom Cristo moya yabara cui yawūn xeinatsi po coyene xua Nacom exanaena. Ichitha anoxuae Nacom pia Pejumope tūnaxū tatsi baxuan yaputane cana exana pomonaetha pomonae pia coya Nacomtha nacana exana xua Nacom petanacuichiwa tsainchi pomonae Cristo Jesús pia peitorobi jiwixae tatsi, matautano Nacom pia peitorobi jume pepaebi jiwitha tatsi. ⁶ Meje baxue xua pocotsiwa moya peyawūn xeinaewa: Pomonae jopa judiomonae naexanaeyo barapomonae irū xeinaena po coyene xua Nacom cata judiomonaetha po coyene bichocono wūnae xua bayatha Nacom jūntana jeba. Barapomonae pomonae jopa judiomonae naexanaeyo Jesucristo pejume cowūntsixaetsi caemonae nanaexana pepa judiomonaetha pomonae irū Cristo Jesús pejume cowūntsiwixae aetsi. Barapomonae irū xeinaena po coyene Nacom yabara tsiwūnae muxu duta judiomonaetha xua Cristo Jesús yabara. Barapomonae pomonae jopa judiomonae naexanaeyo daxita baxuan irū xeinaena poxoru jume cowūntarū Nacom pia pecapanenebiyae diwesi jume.

⁷ Nacom neitoroba xua tacueicueijejiwa barapo pexeinya jume diwesi amanaya tatanacuichixae Cristo. Nacom necata barapo tatanacuichiwa pia tana neantobexae xua tayawenaewa tsane ichamonae. Matautano Nacom necata pia peayapusu itorobi coyenewa xua tacueicueijejiwa tsane barapo pexeinya jume diwesi. ⁸ Pomonae xua be conotha ainya cui xua Cristo piamonae tatsi barapomonae ainya cui beyacaincha xua xan. Daichitha Nacom necata barapo tatanacuichiwa xua inta bichocono wuna. Nacom neitoroba xua tacueicueijejiwa tsane pia pexeinya jume diwesi pomonaetha pomonae jopa judiomonae naexanaeyo. Cueicueijan po pexeinya jume diwesi xua Cristo bichocono peantobexae jopa juniya yawenaeyo barapomonae pomonae jopa judiomonae naexanaeyo. ⁹ Matautano Nacom neitoroba xua daxita jiwitha yabara yaputane taexanaewa tsane po coyene xua Nacom exanaena bexa tsane, po coyene Nacom moya yawun xeina. Barapo coyene Nacom pon daxita peforotsin, caena bayatha moya nayawun xeina xua jiwi jopa peyaputaewa tsane xua pocotsiwa bapon exanaena. ¹⁰ Anoxuae Nacom yaputane exana matatsunpiwi, pomonae itoroba itabocotha, matautano pomonae pecanamataxeinaewa itabocotha. Barapomonae Nacom yaputane exana pocotsiwa bapon moya yawun xeina caena bayatha xua jiwi jopa yabara yaputaeyo. Barapo itabocopiwi nacuiduba xua bara Nacom bichocono yaputane daxita carepaya coyenewan. Baraxua yaputane poxonae tane xua pomonae judiomonae matautano pomonae jopa judiomonae naexanaeyo daxita barapomonae caemonae naexana pejume cowuntsiwichixaetsi Cristo Jesús. ¹¹ Nacom exana baxua icha be pocotsi coyeneya caena bayatha yabara nanta xeineibapona. Bapon baxua exana Jesucristo pon Wanacanamataxeinaein petupaexae naetotha. ¹² Naca

itacupa xua watsipaebiwatsi Nacom wajume cowuntsixae Cristo. Waxainchi yaputainchi xua bapon bara naca jume tane caemonae wanaexanaexae Cristotha, daxota cui tsacatsacapiya watsipaebiwa Nacom. ¹³ Daxota jopa ichichipaeinyo xua paajuntucoyenerewiya jinompame xua ichamonae atene tana neexanaexae paxam nexa. Ichitha jame bewa baxua paichichipaem tsipei baxua jame paca yawena.

Meje yabara xua Cristo jiwi peantobewatsi

¹⁴ Poxonae yabara nanta xeinan xua po coyenewa xua Nacom exana bapoxonae tantabocototha uncuan xua tatsita itapeinya xeinaewa tsane xua baru cui itura jinan Waxa pon itabocotha pepoponaein. ¹⁵ Daxita Nacom piamonae pomonae pejume cowuntsiwichi, pomonae itabocopiwi iru pomonae po irathepiwi, daxita barapomonae Nacom tsitatsi xua barapomonae be caemonae naexana. Bapon daxita barapomonae paxa tatsi. ¹⁶ Nacomtha pacata wucatsi. Tsipei Nacom pexeinaexae peitaboco beicha pocotsiwa jopa juniyiyo xua bichocono wnae daxota jan: “Nacom care Efeso tomarapiwi xua bichocono jinya neayapusu itorobi coyenewa. Barapomonae nejumopetha juntu coyene daunweya jinompa exande. ¹⁷ Barabu Cristo baru poponeibina barapomonae pejume cowuntsixaetsi. Barabu barapomonae bichocono antobe jiwi bichocono pejuntu coyene yucaewaxaetsi peantobe coyenewa. ¹⁸ Barabu barapomonae beta yabara yaputaena Cristo pia peantobe coyenewa tatsi xua iruru daxita ichamonaeru yaputaena pomonae pejume cowuntsiwi. Barapon Cristo pia peantobe coyenewa tatsi bichocono ayei xainto juntu coyenewa. ¹⁹ Cawucatsi Nacom xua barapomonae barabu yaputaena barapo coyene po coyene Cristo pia peantobe coyenewa tatsi, xua po peantobe coyenewa ayei xainto juntu coyenewa xua jiwi

jopa itacupaetsi xua peyabara yaputaewa. Sawucatsi xua barapomonaе nejuntũ coyene yuca exanaenexa daxita jinya nejuntũ coyenewatha.

²⁰ “Wunaе cajaintatsi poxoru caitacupa xua bichocono pata tana neyawenaewam beyacaincha xua pata tacawucaewatsi, xuano beyacaincha pata nanta xeinaewa. Baxua painta exaname poxonaе jinya neayapusũ itorobi coyenewa nacuita pata juntũ coyenewatha. ²¹ Barabũ daxita pomonaе pejume cowuntsiwi pomonaе caemonaе naexana Cristo Jesustha wunaе cajainchina xua ataya petsitecaeponaewa tsane. Je bara ichi tsane”, jan xua pacata wucatsi Nacomtha.

4

Meje yabara xua Nacom pia Pejumope tunaxũ tatsi cana exana xua caemonaе naexana Nacom piamonaе tatsi

¹ Tatanacuichixae Jesucristo pon jiwi Pecanamataxeinaein daxota jiwi neeta jiwi pecubi botha. Pecono jumetha paca muxuwetatsi xua beta xanepanaya painya nejinompaewa xua Nacom itapeta painya nepaca wun dubixae painya nejume cowuntsixae bapon icha be pocotsi coyeneya xua Nacom tsita xanepanatsi. ² Ita ururanaya pajinompeibare xua jopa painya neatsacaewa tsane. Matautano jume xanepanaya nantiya pana natsipaebeibare xua jopa paantutsaxande. Matautano saya jopa paaitaconaeinde xua daxota junteма painompae-name poxonaе bequein ichamonaе abe pacata exana. Matautano patsita itapeinya xeinare xua nantiya pana nacui yabara antobem pocotsiwa bequein jopa pana nacui coyene jupaem. ³ Nacom pia Pejumope tunaxũ tatsi paca cana exana xua caemonaе painya nenaexanaewa tsane. Daxota peajuntũcoyenesuwatha paexande daxita coyeneya xua caemonaе junteма painya nenabarũ jinompaewam tsane. ⁴ Paxam pomonaе painya nejume

cowuntsi jiwixae Cristo Jesús daxota caemonae paca exana. Bequein daxita carepaya paxam barompaya paxename Nacom pia Pejumope tñaxu tatsi, ichitha barapo pejumope saya bara caein. Nacom yabara paca wun duba xua daxita paxam painya nexeinaewa tsane cae coyenewa xua po coyene peburaya pana nabarū wunae ewatame pocotsiwa xua bexa Nacom exanaena. ⁵ Matautano bara caein pon jiwi Pecanamataxeinaein. Matautano cae coyenewa xeinatsi po coyenewa xua wajume cowuntsiwa Cristo. Matautano saya cae wuntha nabautisabatsi xua Cristo pewuntha tatsi. ⁶ Matautano bara caein Nacom pon Waxa xua daxitatsi waxainchi. Bapon daxita jiwi canamataxeinatsi, matautano daxita carepaya nacuantha popona. Matautano daxita waxainchi carepaya naca barū popona.

⁷ Daxita waxainchitha seicaya cabarompaya naca cana juntu cui coyene duba exana pocotsi coyeneintha xua watsita exanaewa tsane bapon. Barapo coyenein Cristo naca catsiba po coyenein jiwana xua bapon nawita xaina icha bapon ichichipa. ⁸ Daxota Nacom Pejume Diwesitha jeye Cristo yabara:

“Bapon athabe juinya tajū beicha.

Poxonae athabe juinya barū juinya pomonae
pia peaitafaetabi jiwichi petsita
itapeinya xeinaenexa xua amanayaba
barapo peaitafaetabi jiwichi.

Matautano bapon pia pejume cowuntsiwichi
catsiba po juntu cui coyenewantha xua
barapomonae Nacom petsita exanaenexatsi”,
jei Nacom Pejume Diwesitha.

⁹ ¿Eta xua metha baxua caunuta poxonae paeba xua “athabe juinya tajū beicha”? jei. Baxua caunuta xua copiya matha Cristo po irathe patopeica xua bapoxonae

equeicha caibe juinya athabeicha itaboco beicha. ¹⁰ Pon xua po irathe patopeica, barichi bapon athabe juinya tajū beicha xua bapon pepoponaewa tsane daxita nacuantha xuano daxita itabocotha. ¹¹ Cristo catsiba jiwitha xua seicaya barompaya pejūntū cui coyenein. Ichamonaetha cana exana pomonae pia peitorobi jiwixae tatsi. Ichamonaetha cana exana pomonae pecueicueijeji jiwi pia peitorobi jume diwesi tatsi. Ichamonaetha cana exana pomonae xua pecueicueijeji dubenanoutsiji Nacom pia pexeinya jume diwesi tatsi xua pecapanenebiyae diwesi jume. Ichamonaetha cana exana pomonae eena jiwi pomonaetha pomonae pejume cowūntsi jiwi. Ichamonaetha cana exana pomonae xua pecuidubi jiwi pomonaetha pomonae pejume cowūntsiwi. ¹² Poxonae barapo coyene Cristo exana, piamonae cana jūntū coyene wetsiya cana exana xua beta petaexanaewa tsainchi pia petanacuichiwa tatsi. Bapoxonae daxita piamonae tatsi mataropeichiya ajūntūyapusūya jume cocowūntapona pomonae piamonaexae tatsi pomonae bara be Cristo pia pepon tatsi. ¹³ Baxua Cristo exana xua beya waxainchi caemonae wanaexanaewa tsainchi xua caemonae wanabarū jume cowūntsixaetsi Cristotha. Bapoxonae naexanatsi xua peburūya caemonae wanabarū yabara yaputaewa tsainchi Nacom Pexanto tatsi. Matautano bapoxonae yatsicaya beta jume cowūntatsi, bapoxonae jinompatsi be pomonae bayatha pinyontsi xua pocotsimonae itacūpatsi xua Nacom beta petsita jinompawatsi. Bapoxonae wajūntū coyene naca cayabara cui wetsiya exana xua wajūntū coyene xanepanaewa icha Cristo ichi xua bichocono pejūntū coyene xanepanaewa. ¹⁴ Bapoxonae jopa be pexui natsicotae tsainchi equeicha. Pexui ba ainya muxu xeina ichawa beya ba jume cowūnta xua pocotsi coyenein xua poxonae nacuidubeiba

xua poxonaē cuiduba pomonaē jiwi pemuxitorobiwi. Barapo pemuxitorobi jiwi yaputane nawita po jũntũ coyeneintha xua jiwi pemuxujainyabiwatsi. ¹⁵ Jame bewa pexainyei jume tsipaebichi ichamonaetha po coyeneya xua barapomonaē yaputane xua waxainchi antobetsi barapomonaē. Bapoxonaē beta xanepanaya exanaeinchi wanajũntũ coyene xanepana exanaponaenexatsi daxita coyenewantha xua icha be Cristo ichi. Bapon canamataxeina pomonaē pia pejume cowũntsiwichi. Bapon bara be pentasipa pomonaē pejume cowũntsiwichi be bapon pepon tatsi. ¹⁶ Cristo canamataxeina pia pejume cowũntsiwichi. Matautano cana exana xua barapomonaē barompaya xeina pia petanacuichiwantsi. Bequein barapomonaē piawan barompaya xeina ichitha Cristo cana exana xua caemonaē nantiya nayawena be caemonaē naexana. Poxonaē barapomonaē barompaya piawa beta exanapona pia penacuichiwana, bapoxonaē be caemonaē beta naajũntũcoyenesũ xanepana eexanapona, nantiya penaantobexae.

Meje yabara po pena jũntũ coyenewatha wajinompaewa wajume cowũntsixae Cristo

¹⁷ Anoxuae paca tsipaebatsi xua painya tapaca muxuwetsinexatsi, Cristo pon jiwi Pecanamataxeinaein taneitorobixae: Jopa bewa pajinompaem icha barapo cae pin nacuathepiwi ichi xua poxonaē jinompa poxonaē jopa Nacom yaputaetsi. Pocotsiwa xua barapomonaē pia penanta xeinaē coyenewan tatsi, jopa ainya cuiyo. Jopa pejũntũ coyene yawenaexaetsi barapo penanta xeinaē coyenewantha. ¹⁸ Barapomonaē pia peyaputae coyenewan tatsi jopa xapain pepa peyaputae coyenewiyo. Barapomonaē jopa xeinaeyo peajũntũcoyenesũwa pocotsi peajũntũcoyenesũwa Nacom cata piamonaē. Barapo coyene barapomonaē jopa xeinaeyo poxoru

aichaxaibi xua Nacom peyabara peyaputaewatsi, xvano poxoru barapomonae najuntũ coyene ararana xua jopa peichichipaexae xua Nacom peyabara jume taewatsi. ¹⁹ Barapomonae jopa ajuntũcoyeneuriyo poxonae abe exana. Matautano barapomonae atsaquiya abe eexanapona, xua pecũpaewatsi atsaxa mera yawa weiweina ichamonae piseurixitha tatsi. Barapomonae cui xeica xua daxita coyenewan abe peexanaponaewa. ²⁰ Ichitha poxonae ichamonae yabara paca cuiduba Cristo, jopa apara paca cuidubiyo barapo coyene xua abe painya neexanaewa tsane. ²¹ Xaniwaicha yabara pajume taneme Cristo, xvano piamonae tatsi painya nenaexanaewa poxonae ichamonae paca cuiduba po pexainyei jumein xua pexeinya jume diwesi xua Jesucristo yabara. ²² Pana nacui barapende po juntũ coyene xua bayatha paexaname poxonae jopa cataũnxuae pajume cowũntsim. Barapo juntũ cui coyene bichocono abe, tsipei paca cana exana xua paexaname pocotsiwan xua painya coya paichichipame poxonae paca muxuitoroba exana xua daxota abe painya neexanaewam. ²³ Pacopare xua bara Nacom paca juntũ coyene xanepana exanaponaena, xua daxota pena coyene painya nenanta xeinaponaewa tsane. ²⁴ Painompare pena juntũ coyenetha, po juntũ coyene Nacom exana xua painya paca catsibinexa. Bapoxonae paxeinaename be pocotsi juntũ coyene Nacom xeina. Poxonae paxeiname barapo juntũ coyene po juntũ coyene xua pexainyeiwa, bapoxonae beta nantiya pana nabarũ jinompame yawa xua bichocono paca tsita xanepana Nacomtha.

²⁵ Daxota anoxuae jopa nantiya bewa pana namuxuitorobim. Bewa daxita pam xanepanaya patsipaebim pomonaetha pomonae irũ pejume cowũntsiwi, tsipei waxainchi daxitatsi caemonae naexanatsi Cristotha.

²⁶ Icha paanaepaname jopa pacopatsinde xua painya

jũntũ coyene paca itoroba xua anaya anaepanaya abe painya neexanaewa ichũnthã. Icha paanaepaname jopa abe paexanaeinde. Came jopa paanaepana dubenanaebiyaeinde xua beya quirei tsanaicha, saya jame bara caethoŧha pande. ²⁷ Jopa pacopatsinde xua bara caurimonae pia pentacaponaein tatsi paca jũntũ coyene jũjũta abe painya neexanaewa tsane.

²⁸ Pon xua pecaibin, bũ jopa equeicha caibeibiyo. Bewa jame bapon tsinacuichina pocotsiwa xua xainyeya yabara nacuita xua jopa naerabiyo. Bapoxonae bapon itacũpatsi xua ichamonaetha xuya catsina pomonaetha xua acopeibiwi pomonae jopa xeinaeyo xua pocotsiwa nantawenona.

²⁹ Jopa ajumebeya pacueicueijam tsurubenanaebiyaeinde. Jame maisa jume xanepanaya pacueicueijam tsurubenanaebiyama. Papaebare pocotsi jumeintha xua ichamonae jume cocowũntapona exanatsi po jumeintha xua jiwĩ muxu xeica exanatsi xuano xua yawenatsi po jumein xua paca jume tane. ³⁰ Nacom pia Pejumope tũnaxũ tatsi jopa pajũntũ coyene wecoyei exanaeinde xua painya nepaca cui taexãe xua paexaname. Tsipei paca barũ popona Nacom pia Pejumope tũnaxũ tatsi, baraxua tsita itapeinya xeina xua bara xaniwaicha Nacom piamonae tatsi pam. Nacom pia Pejumope tũnaxũ tatsi naca jũntũ coyene ararana wanaca yawenaenexa beya poxonae po mataqueitha Jesucristo naca capanenebiya exanaena.

³¹ Jopa paxeinaeinde painya jũntũ coyenein weya po coyenein xua ichamonae payabara jũntũ ajom xua came bichocono painya neyabara nanta xeinaexae xua ichamonae abe pia pacata exanaexae. Mataũtano jopa paxeinaeinde po coyene xua jemeicha anaya paexaname. Mataũtano jopa paxeinaeinde po coyene xua saya bichocono panthũthũ anaepaneibame. Mataũtano jopa

paxeinaeinde po coyene xua tsũmũ jume pabarũ pae-bame ichamonae. Barichi jopa paxeinaeinde po coyene xua ichamonae pabiataneme. Mataũtano daxita jopa paxeinaeinde po coyenein xua bichocono paaitafaetabim ichamonae. ³² Jame seicaya maisa nantiya caemonae xanepanaya pana nata exande. Mataũtano nantiya pana naweyataema xua nantiya painya nenayawenaewam tsane. Mataũtano nantiya pana nacui yabara jũntemainare xua abe nantiya pana nata exaname, icha Nacom paca yabara ichi xua paca cayabara jũntemainana abe painya neexanae cuiru coyenein Cristo painya nepaca tsitũpaexae poxonae naetotha tũpa exanadutatsi poxonae bexotsi.

5

Meje yabara xua po jũntũ coyenyatha bewa jinompaena Nacom pia pexui tatsi

¹ Tsipei paxam Nacom pia pexui tatsi pam xua bapon bichocono painya nepaca caantobe jiwi pam, daxota bewa pacui jontsiya jinompaename icha bapon ichi poxonae popona. ² Nantiya pana naantobeya jinompare icha Cristo ichi xua naca antobe. Bapon Cristo pia pepon nacaenaeta xua naca tsitũpa xua abe waexanae cuiru coyenein poxonae bexotsi. Baxua be poxonae icha duwei ichichi xua poxonae jiwi tsibexotsi xua daxota barapo jiwi jopa penatsicuentiwa xua abe peexanaexae Nacomtha. Bapoxonae Nacom tsita xanepanatsi barapo jiwi. Barichi xua Cristo exana Nacom tsita xanepanatsi icha be pocotsi duwei tuxusi xeicaewa ichi xua poxonae jiwi duwei tauta xua Nacom pecatsinexatsi.

³ Tsipei paxam Nacom pia pexui tatsi pam, daxota jopa bewa paexanaem po coyenein xua daxota ichamonae pomonae painyamonae paca yabara paeba xua

abe paexaname. Matautano jopa bewa pana nasi cui matacaetsim xua paweiweiname xua jopa bequein painya seuri jiwi. Jopa bewa payabara paebim po jume xua jiwi aura exanatsi. Matautano jopa bewa bichocono painya ita copeichi xua payabara uwame xua ichamonae xeina. ⁴ Jopa nantiya pana nayabara ууујанде. Matautano jopa nantiya pana najume cui caponaeinde po jumein xua jopa wūnaeyo. Matautano jopa nantiya tsūmū jume pana nayabara paebinde. Daxita barapo coyenein bichocono abe. Jame maisa bewa itapeta Nacom wūnae pajainchim painya nepaca capanenebiyaexae barapo coyenein weya. ⁵ Tsipei paxam bayatha payaputaneme xua Nacom cana exanaena pomonaetha pomonae meje: Pomonae xua penasi cui matacaetsiwa xua jopa poxonae piseuri jiwi, yawano pomonae xua yabara paeba po jume xua jiwi aura exanatsi, yawano pomonae bichocono pitacopeichi xua yabara uwa xua ichamonae xeina. Nacom tsita abetsi barapo coyenein icha tsita ichichi xua poxonae jiton bichocono beita cui jichatsi xua wūnae jainta ibo nacom. Pomonae barapo coyenein exana bapomonae bapana jopa itacūpaetsi xua jiwi itorobiya peewatsiwatsi xua ichaxota Cristo itorobiya pecanamataxeinaewa jiwi xua irū ichaxota barichi Nacom. ⁶ Jopa pacopatsinde xua ichamonae paca necamuxuitorobiwa peyabara paebixae barapo coyenein, po jumeintha xua jopa xainyeyo. Poxoru jiwi peexanaexae barapo abe peexanae coyenein daxota Nacom anaya peraxa exanaena barapomonaetha. Nacom anaya peraxa exanaena barapomonaetha tsipei jopa jume jejeyo pocotsiwa xua Nacom itoroba. ⁷ Barapomonaetha jopa imoxoyo pacuicuinaeinde, pomonae Nacom jopa jume jejeichi.

⁸ Paxam copitha abe paexaname jopa painya yabara yaputaexaem Nacom. Baxua be poxonae pomonae pona

pequireiwatha jopa beta ponaeyo jopa beta penecot-sixae. Ichitha anoxuae beta paexaname painya yabara yaputaexaem Nacom pon jiwí Pecanamataxeinaein. Baxua be poxonae pomonae pona, poxonae pentha, beta pona beta pia petaexae. Pajinompare beta painya nejinompaenexa Nacom nexa icha pomonae ichi poxonae pona poxonae pentha. ⁹ Pomonae yawa jinompa Nacom barapomonae beta jinompa icha pomonae ichi xua poxonae beta jinompa poxonae pentha. Barapomonae peyawa jinompaexae Nacom exaneiba pocotsiwa xua wñaeya peexanaewa yawa xua pocotsiwa tsita xanepanatsi Nacom, yawa xua pocotsiwa pexainyeiwa. ¹⁰ Incane pana nacuidubare pocotsiwa xua Nacom pon jiwí Pecanamataxeinaein ichichipa pocotsiwa Nacom tsita xanepanatsi. ¹¹ Jopa paexanaeinde pocotsiwa jopa ainya cuiyo pocotsiwa ichamonae exana pomonae xua be poxonae pequireiwatha jinompa poxoru Nacom jopa peyabara yaputaexaetsi. Jame maisa barapomonae patsita itapeinya xeinare pocotsiwan xua barapomonae abe peexanaewanxae. ¹² Icha payabara paebichipan po coyenein barapomonae abe peexanaewa, bichocono aura pana exanaetsipa pocotsiwa namicha peexanaewa barapomonae tsipei bichocono abe. ¹³ Poxonae pecoicha pentha exana poxonae quirei bapoxonae daxita pichiwan beta pataneme pentha perubenaexae. Barichi poxonae barapomonae jume tane po jumein xua yaputane exainchi, bapoxonae tsita itapeinya xeinainchi xua pocotsiwa namicha exana, apara deta cou abe. Bapoxonae barapomonae itacupatsi xua naexanaena Nacom piamonae tatsi. ¹⁴ Daxota Nacom piamonae tatsi ichun yabara jeichi: “Nacui cayabara cananta xeinatabare, tsipei xam be pon abe neexanaein. Natsixire pia xainya weya tatsi pomonae be petupaewi pejinompaewi jopa

tana nejume cowuntsi jiwixae.
 Cristo cacana exanaena xua yabara
 neyaputaewa bapon pocotsiwa xua
 pia pexainyei coyenewa tatsi”,
 jei xua ichun yabara paebatsi.

¹⁵ Dota pam, xua abe painya neexanaewa. Jame maisa xanepanaya pajinompare. Jopa pajinompaeinde icha be ichi poxonaе jinompa pomonaе Nacom jopa jume cowuntsiya yaputaetsi. Barapomonaе jopa peyaputaewi. Jame maisa pajinompare icha be ichi poxonaе jinompa pomonaе jume cowuntsiya peyaputaewi Nacom. Barapomonaе peyaputaewi. ¹⁶ Beta pa-eexanaponde daxita coyeneya xua paca itacupa poxonaе cataunxuae anoxuae pajinompame, tsipei barapo matacabintha jiji abe bichocono peexanaewi. ¹⁷ Jopa pajinompaeinde icha be ichi poxonaе jinompa pomonaе amameibatsi jopa Nacom peyabara yaputaexaetsi. Jame maisa payaputaeya exanaponde pocotsiwa xua Cristo ichichipa, pon jiji Pecanamataxeinaein. ¹⁸ Jopa pana nacupa exanaeinde peatsaxa meran xua jiton acoyenebeya exanaeya exainchi. Jame maisa Nacom pia Pejumope tanaxu tatsi pacopabeibare xua daxita bara paca juntu coyene itorobeiba xua beta painya neexaneibiwa tsane. ¹⁹ Nantiya pana natsipaebare pocotsiwa xua Nacom paca juntu coyene weiweina exana. Nantiya pana nabaru naxunare David pia weixi, po weixi pewun salmos. Matautano panaxunare po wei pomonaе pejume cowuntsiwi pia weixi tatsi xua pewunaе jainchi weixi Jesucristotha, pon jiji Pecanamataxeinaein. Panaxunare painya juntu coyene weya po weixi xua Nacom wunaе pejainchiwatsi. ²⁰ Nacom pon Waxa bapontha pajacobeibare, pajan tsaibinde: “Nacom maisa pajuntu coyene weiweinan xua pocotsiwa daxita pata tana necatsixaemxae. Paca wucatsi Jesucristo pata

Tanecanamataxeinaein pabuxuna bobenounan”, pajan tsaibinde.

Meje yabara po coyene xua pebin piseuribe bewa nabaru poponaenabe ponbe pejume cowuntsinbe

²¹ Daxita pam bewa bara pacopatsim xua nantiya pana nacanamataxeiname xua painya neexaneibinexa pocotsiwa xua nantiya pana nacui itorobeibame. Bapoxonae xua painya itapeinya xeinaenexa xua painya nebaru itura cui jinaewa pocotsiwa Cristo paca cui itoroba.

²² Yabuxi pam, bewa bara pacopatsim xua painya seuriwi paca canamataxeina xua painya neexaneibiwa pocotsiwa painya seuriwi paca cui itorobeiba. Baraxua paexande icha paichim poxonae Cristo pon jiwi Pecanamataxeinaein paca cui itoroba. ²³ Tsipei pebin canamataxeina piowa, icha Cristo ichi xua canamataxeina piamonae pomonae pia pejume cowuntsiwichixaetsi. Bapon Cristo barapomonae pia Pecapanenebiyaeinchi tatsi. Barapomonae pomonae pejume cowuntsiwi bara be Cristo pia pepon tatsi. Cristo bara be pentasipa pecanamataxeinaexae barapomonae. ²⁴ Icha barapomonae ichi pomonae Cristo pejume cowuntsiwichi xua pichichi xua peexanaewa pocotsiwa Cristo itoroba, yabuxi bewa barichi. Bewa exanae daxita pocotsiwa piseuriwi itorobatsi.

²⁵ Pebiwi pam paantobeinde painya seuri jiwi, icha Cristo ichi xua antobe daxita xua i dapomonae pomonae pejume cowuntsiwichixaetsi. Cristo pia peantobexae barapomonae tsitupa poxonae naetotha tupa exanadutatsi poxonae bexotsi. ²⁶ Cristo tsitupa barapomonae xua daxita i dapomonae pomonae peyabara jume cowuntsiwixaetsi po coyene xua Cristo juntu coyene xanepana pecana exanaenexa Nacom nexa. Baxua exana xua barapomonae jopa pexeinaewa tsane xua penatsicuentisiwa

xua abe peexanaexae. Baxua Cristo cana exana poxonae barapomonaе tabautisabatsi meratha, xuano xua poxonaе paeba xua pinae jume cowanta Nacom Pejume Diwesi. ²⁷ Cristo baxua exana daxita pomonaetha pomonaе pia pejume cowantsiwichi xua pecuaranobinexa tsane pia itabaratha, xua yawa pemuxuna cuaranobinexa pia pexeinya peitupanae coicha. Poxonaе barapomonaе umenaena Cristo peitabaratha jopa yawa umenaе tsane peabe coyenewan. Matautano jopa yawa umenaе tsane pocotsiwa xua barapomonaе abe exanatsi. Barapomonaе pejuntu coyene xanepanaewi tsane Nacomtha xua jopa xeinaeyo xua penatsicuenta siwa xua abe peexanaexae. ²⁸ Pebiwi bewa antobe pia seuriwi, pecui untabexae icha barapo pebiwi ichi xua pia pepon natsiuntabe. Pon pia coutha natsiuntabe bapon piowa antobe xua be caein penaexanaewa tsanebe. ²⁹ Dapon ba ajibi pon pia coutha naaitafaetabi. Saya jame naapatsina pexaewa yawano naewatsina beta. Cristo bara juta ichiya cana ichi pomonaе Nacom piamonaе tatsi daxita xua i dapomonaе pomonaе Cristo pejume cowantsiwichixaetsi. ³⁰ Cristo beta eena barapomonaе tsipei barapomonaе be pia pepon tatsi. Waxainchi yaputainchi baxua tsipei barapomonaе jiwanaetsi. Waxainchi pomonaetsi xua caemonaе wanaexanae jiwichi Cristotha. ³¹ Xua pebin yawa piseuri caein naexanabe Nacom Pejume Diwesitha baxua yabara jeye: “Daxota pebin paxa wepu natsata, yawa pena wepu natsata xua piseuribe penaperu cuicuinaenexabe. Bapoxonaе baponbe piseuribe be caein naexanabe”, jei Nacom Pejume Diwesitha. ³² Barapo Nacom Pejume Diwesi xua pebin piseuribe yabara baraxua bara be Nacom moya yawun xeina xua po coyene bichocono ainya cui xua jiwi jopa yabara yaputaeyo. Barapo diwesi yabara caunuta xua Cristo iru Nacom piamonaе tatsi pomonaе pejume

cowuntsiwichi, daxita be caemonae naexana icha pebin piseuribe ichi xua be caeinbe naexanabe. ³³ Barichi barapo diwesi paca yabara caunuta. Daxita pebiwi pam bewa paantobem painya seuriwi, icha paichim xua painya coutha pana natsiuntabem. Barichi daxita yabuxi pam painya seuriwi bewa paca yabara baru cui itura jinaena.

6

¹ Pexui pam, paxam pomonae painya nejume cowuntsi jiwi pam Cristo. Painya neantobemxae pon jiwi Pecanamataxeinaein daxota paxam bewa pajume baru jejam pocotsiwa painya axeiwi paca itoroba, tsipei baxua pex-einya cui coyene. ²⁻³ Moisés pia peitorobi coyenewa ainya coyenewan xeina. Po peitorobi coyenewa copiya po peitorobi coyene xua ichaxota muxuna xeina xua peyabara tsiwuna muxu dutsiwa, barapo coyenewatha baxua jeye: “Axa cui baru itura jinare, yawa ena cui baru itura jinare, xua painya juntu coyene xanepanaya jinompaenexa, matautano xua painya nejinompaenexa ainya wei dapaein barapo cae pin nacuathe”, jei Moisés pia peitorobi coyenewatha.

⁴ Paxam pomonae coxiyei jiwi pam, jopa anaepanaya paitorobeibinde xua daxota painya pexui paca caseba. Jame maisa bewa antobeya pawichitim pocotsi coyeneya Jesucristo, pon jiwi Pecanamataxeinaein, tsita xanepanatsi. Pacuidubare painya pexui xua beta pejinompaenexa. Matautano pamuxuwere xua peexanaenexa pocotsiwa bewa exanae.

⁵ Pomonae amanaya painya nepaca cabusi tatayebeibi jiwi pam xua poxonae ichamonae pata nacuitame pajume baru jejande pocotsiwa xua painya nepaca canamataxeinaewi paca itoroba barapo cae pin nacuathe. Barapomonae pabarū cui itura jinare, yawano pacui cunuware barapo painya nepaca canamataxeinaewi xua

abe painya nepaca exanaeyainwa. Matautano yat-sicaya jume xainyeya pata exande. Barapomonaе beta patanacuire icha poxonaе paichim poxonaе Cristo patanacuitame. ⁶ Daunweya patanacuire bequein painya nepaca canamataxeinaewi jopa paca taeyo. Jopa saya daunweya patanacuichinde xua barapomonaе painya nepaca taexae. Poxonaе baxua paexaname apara saya poxoru painya pia nepaca canamataxeinaewi xanepanaya paca yabara nanta xeinaetsi. Jame maisa patanacuire icha paichim poxonaе painya ichichi xua amanaya painya netanacuichiwa painya nepaca canamataxeinaein nexa Cristo. Bichocono daunweya panacuire pocotsiwa xua Nacom tsita xanepanatsi pocotsiwa xua bapon ichichipa. ⁷ Poxonaе pata nacuitame pomonaе painya nepaca canamataxeinaewi weiweinaya panacuire icha be poxonaе paichim xua poxonaе pata nacuitame pon jiwi Pecanamataxeinaein, pon Cristo Jesús. Jopa bara paichinde xua poxonaе jopa xapain patanacuichim pomonaе xua poxoru saya jiwixae. ⁸ Paxam payaputaneme pocotsiwa xua daxita beta paexaname bara Nacom paca busi cui matomata. Baraxua Nacom pon jiwi Pecanamataxeinaein jupa barapocotsi matoma paca cata, poxonaе bequein amanaya painya nepaca busi cui tatayebeibi jiwi pam xua poxonaе ichun pata nacuitame, xuano xua saya poxonaе bequein paratixi patsinacuitame.

⁹ Paxam pomonaе pecanamataxeinae jiwi pam, bewa beta pata exanaem xuya barapo amanaya painya nebusi cui tatayebeibi jiwi. Jopa yabara pamuxuwetsinde xua painya necuainchiwa tsane icha jopa xapain exanaeyo barapomonaе. Pananta xeinare xua barapomonaе bewa exanae pocotsiwa itoroba pon jiwi Pecanamataxeinaein icha paichim xua iru bewa paexanaename pocotsiwa bapon paca itoroba, pon eca itabocotha. Bapon daxita

tsita najũpatsi jiwi poxonaē yabara paēba peyaputaēnexa icha barapomonaē natsicuenta xua abe peexanaēxae.

Meje yabara xua pomonaē pejume cowũntsiwi Cristo po coyeneintha bewa amanayabi caurimonaētha

¹⁰ Tamonaē pam, anoxuae wetan pocotsiwa xua tapaca tsipaēbiwatsi. Ajũntũsũya pajinompāre pon Pecanamataxeinaēin jiwi pia peayapusũ itorobi coyenewatha tatsi caemonaē painya nenaexanaēxae bapontha. ¹¹ Painya jũntũ coyene pana naewatsiya yawenare daxita po coyenewantha xua Nacom paca cata xua xota pana nayaewatame painya jũntũ coyenewa. Bapoxonaē paca itacũpa xua caurimonaē pia pentacaponaein tatsi paamanayabame poxonaē paca jũntũ coyene jũjũta xua abe painya neexanaēnexa.

¹² Tsipei anoxuae jopa nabetsi xua pepa jiwitha. Jame apara anoxuae penabi coyene exanatsi pomonaētha pomonaē peinya pejinompaēwi xua caurimonaētha. Barapo caurimonaē xeina pia peayapusũwa yawa peitorobi coyene xua jiwi canamataxeinatsi barapo cae pin nacuathe tsique, pomonaē abe peexanaē jiwi. Mataũtano jinompa barapo cae pin nacua matatsunthe.

¹³ Daxota paxeinare daxita pocotsi jũntũ coyenein xua Nacom paca cata pocotsi coyeneintha xua pana nayaewatame. Anoxuae pana najũntũ coyene wũnaere xua painya jũntũ coyene amanayabi dubenanaēbiyaēnexa tsane barapo peinya pejinompaēwi. Baxua paexande xain awiya bichocono pajũntũ coyene daunwam poxonaē po mataqueitha paca jũntũ coyene jũjũtsina xua abe painya neexanaēwa tsane. Bequein paca jũjũtsina, awiya ajũntũcoyenesũya pajinompāename.

¹⁴ Pana nacui wũnaere icha soldadomonaē ichi xua yabara nacui wũnaeta penabinexa ichamonaētha. Painya jũntũ coyenewatha paxeinare Nacom pia pexainyei coyenewa painya tsita itapeinya xeinaēnexa baraxua xua

bara xainyeya pata exaname Nacom. Barapocotsi jũta coyeneya paichinde icha be soldadomonaē ichi xua poxonaē yabara nacui wũnaeta penabinexa ichamon-aetha bapoxonaē naepa caturũba paparuwan xua tsita itapeinya xeina xua bapomonaē nacui wũnaeta xua bara xainyeya penabinexa xua pon pentacaponaein peitorobixae. Mataũtano pejũntũ coyene xanepanaewa Nacom patsita xeinare painya jũntũ coyenetha, painya nenayaewatsinexa icha be poxonaē soldadomonaē ichi xua xeina po penaintohta xua nantacari acaba poxonaē nacui wũnaeta xua penabinexa. ¹⁵ Pana najũntũ coyene wũnaere xua painya necueicueijeĩ tsurubenanaebiyaenexa Nacom pia pexeinya jume diwesi xua po diwesi yabara xua jiwi jũntema pejinompaewa. Barapocotsi jũta coyeneya bara paichinde icha be poxonaē soldadomonaē ichi, xua poxonaē nataxu wũnaetaduba sapaton xua penacui wũnaetsinexa xua naba. ¹⁶ Mataũtano pamuxuna xeinare xua bichocono painya nejume cowantsiwa Nacom, xua pana najũntũ coyene yawename poxonaē caurimonaē pia pentacaponaein tatsi paca jũntũ coyene jũjũta. Barapocotsi jũta coyeneya bara paichinde icha be soldadomonaē ichi xua pemaxũntha duba peperacae nain xua naita arababa. Poxonaē pia peitaftaetabi jiwi cawababatsi pocotsiwantha xua peopi sojeiwantha xua iso itere xeina, bapoxonaē barapo peperacae naintontha naita arababa barapomonaē, yawano baxota itaxubaba iso itere. ¹⁷ Pacopare xua bara Nacom paca capanenebiyaena painya paca jũntũ coyene araranaenexa caurimonaē pecuiyainwa. Barapocotsi jũta coyeneya bara paichinde icha be soldadomonaē ichi xua penain yoreitha nanta acaba. Nacom Pejume Diwesi painya jũntũ coyenetha paxeinare xua po jume Nacom pia Pejumope tũnaxũ tatsi paca cata xua po jumetha painya nenayaewatsinexa

painya nepaca caaitafaetabi jiwi pecuiyainwa. Barapocotsi jũta coyeneya bara paichinde icha be soldadomonaē ichi xua capona cusi penayaewatsinexa pia peaitafaetabi jiwichi pecuiyainwa. ¹⁸ Nacomtha matowa patsipae-beibare daxita matabintha be pocotsi coyeneya paca yawena Nacom pia Pejumoŕe tũnaxũ tatsi. Nacomtha rawũqueibare daxita painya newũcae coyenewatha tsaibi pocotsiwan xua panantawenoname. Xain daxita matabintha tsaibi tsaca painompeibame, mataũta bapana jopa paajũntũcoyenefaetabinde xua rawũcame Nacom. Bichocono matowa patawũcare daxita pomonaē Nacom piamonaē tatsi. ¹⁹ Barichi painta wũcare Nacomtha xua bapon tanecatsinexa po jume diwesitha xua tacueicueijeinexa. Mataũtano painta wũcare xua tana neitacũpaewa xua cui tsacatsacapiya tacueicueijeinexa, xua jiwi yabara yaputane taexanaenexa pocotsiwa xua Nacom moya yawũn xeina po coyene yabara xua Nacom capanepa exana pomonaē jopa judiomonaē naexanaeyo. ²⁰ Nacom neitoroba icha nacuantha xua tacueicueijeinexa Nacom Pejume Diwesi bapon nexa. Daxota anoxuae ichamonae neeta jiwi pecũbi botha tacueicueijeixae Nacom nexa. Painta Nacomtha wũcare xua cui tsacatsacapiya tacueicueijeinexa tsane poxonaē icha bewa cueicueijan tsane.

Meje yabara poxonaē Pablo najume wetsiya paeba barapo cartathe

²¹ Tĩquico pon paxan paantobein, pon irũ pejume cowũntsin Jesucristo bapon pacata itorobatsi. Bapon Tĩquico bara xainyeya exana poxonaē pana neyawena Nacom pia petanacuichiwa tatsi pon jiwi Pecanamataxeinaein. Bapon daxita paca tsipaebina xua neyabara paebina, yawano pocotsiwa xua exanan baxua yabara paca tsipaebina. ²² Bapon Tĩquico pacata itorobatsi yaitama

ichichipan xua bapon yabara paca tsipaebina xua pata jinompaewa. Bapoxonae bapon paca jũntũ coyene tsacabina, jũntũ coyene weiweinaya sadũjei painya nejinompaewa tsane xua bara beta tapoponaexae.

²³ Barabũ Nacom, pon Waxa, irũrũ Jesucristo, pon jiwi Pecanamataxeinaein, baponbe jũntema jinompa cana exanaenabe pomonaetha daxita pomonae pia pejume cowũntsiwixaetsi. Mataũtano barabũ exanaenabe xua barapomonae nantiya naantobe tsane. Mataũtano barabũ exanaenabe xua barapomonae ajũntũcoyenesũya jume cowũnta dubenanaebiyaena. ²⁴ Mataũtano barabũ Nacom peantobexae yawenaena daxita pomonaetha pomonae peantobewi Jesucristo pon Wanacanamataxeinaein. Bapoxonae barapomonae pexeinaenexa tsane po coyene antobe ichamonaetha po coyenewa xua ataya tsiteca.

Baja Pablo.

Nacom Pejume Diwesi po diwesi pena jume diwesi xua
Jesucristo yabara tinatsi
New Testament in Cuiba

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22
